

समा. 09.20 Hrs

- उपराज्यपाल मनोज सिन्हा होरें नीतिगत प्रबंधन फोरम दे सम्मेलन गी सम्बोधित करदे होई आखेया ऐ जे स्थाडी प्राथमिकता शिक्षा ते सेहत क्षेत्र च स्थिरता ते निवेश होनी लोडचदी।
- उपमुख्यमंत्री सुरिंदर चौधरी होरें जम्मू दे भलवाल इलाके च 10 करोड़ रपे कोला मती लागत आलियें सिड़क परियोजनाएं दा उदघाटन कीता।
- घाटी तगर सिद्धे रेल-सम्पर्क होई जाने दे बाद हून फौज दियां तोपां ते होर दुआ समेयान सखल्ले कश्मीर तगर पुज्जना शुरु होई गया ऐ।
- संतोष ट्रॉफी लेई जम्मू-कश्मीर दी टीम दी ताल प्रक्रिया गी जांच लेई इक कमेटी दा गठन कीता गया ऐ।
- जम्मू-कश्मीर च सुक्की ठंडू दा प्रकोप जारी- 20 दिसम्बर गी किश इलाकें च बर्फबारी ते बढ़ल बरने दे आसार।

<><><><><><>

उपराज्यपाल मनोज सिन्हा होरें 2047 तगर विकसित भारत दा लक्ष हासल करने गितै योजना तयार करने ते नीतिगत योजना बारे कृटनीतिक प्रबंधन फोरम SMF दे सम्मेलन गी सम्बोधत कीता।

IIM जम्मू च आयोजित त्रंऊ दिनें दी इस कांफ्रेंस दा सरिस्ता SMF ते नीति आयोग दे सहयोग कन्नै IIM जम्मू आसेया कीता गेदा ऐ। इस मौके अपने सम्बोधनै च एल.जी होरें आखेया तेजिया कन्नै बदला'रदी दुनिया च भारत दे सामने केई चुनौतियां बी ऐन ते केई मौकें बी ते बतौर इक कारोबारी अगुवाह ते नीति निर्धारक-भारत दी भूमिका मती महत्वपूर्ण बनी जंदी ऐ। उनें गलाया जे स्टांडा मुक्ख तौरा पर ध्यान बड्डी आर्थिक स्थिरता दे कन्नो-कन्नी शिक्षा ते सेहत क्षेत्र च बड्डे पैमाने पर रासपूंजी लाने पर होना लोडचदा। इस मौके IIM जम्मू दे निदेशक बी.एस. सहाय होरें आखेया.....

<><><><><><>

LG- Delegations

केई शिष्टमंडल कल उपराज्यपाल मनोज सिंहा होरें गी जाइयै मिले ते अपने मुद्दे- मंगां ते मसलें उंदे अगो रक्खे। साबका मंत्री सुखनंदन चौधरी हुंदी अगुआई च जम्मू जिले दे मड इलाके दे लल्लाल ग्रां थमां आए दे इक शिष्टमंडल नै अपने इलाके दियां केई समस्यां उन्दे नै सांझियां कीतियां। संजय कौल हुंदी अध्यक्षता च ऑल माइनारिटी एम्पलाइज़ एसोसिएशन कश्मीर दे इक प्रतिनिधिमंडल नै बी एल.जी होरें गी मिलियै अपने मुद्दे उंदे अगो रक्खे। इसै चाल्ली अखिल भारतीय विद्यार्थी परिषद दा इक शिष्टमंडल बी मनोज सिंहा होरें गी मिलेया-जेहदी अगुआई संगठन दी प्रदेश इकाई दे आरगनाईजिंग सैक्ट्री तिलक ठाकुर होर करा'रदे हे।

<><><><><><>

Dy. CM –Road Projects

उपमुख्यमंत्री सुरिंदर चौधरी होरें कल जम्मू जिले दे भलवाल इलाके च 10 करोड़ 27 लक्ख रपे दियें केई सिड़क परियोजनाएं दा उदघाटन कीता। अपने दौरे दौरान सुरिंदर चौधरी होरें नमें पुलै कश जूली सिम्बलीवाला थाहर नमीं बनाई गेदी ढाई किलोमीटर लम्मी सिड़कै दे उदघाटन दे इलावा धरम खू थाहर इक इशारिया 10 किलोमीटर सिड़कै दा बी उदघाटन कीता।

उपमुख्यमंत्री होरें एहदे इलावा खलका गरुटा इलाके च भेड़ा थमां सोबका धोड़ी सवां किलोमीटर लम्मी लिंक रोड दा उदघाटन कीता। उपमुख्यमंत्री होरें खलके गरुटा च बेहड़ा पंचैत घर थमां लिफ्ट इरीगेशन बटैहड़ा तोड़ी ढाई किलोमीटर सिड़क परियोजना दा बी उदघाटन कीता। मगरा उनें लोअर अम्ब इलाके दा दौरा बी लाया जित्थे रणबीर नैहर पर 2 मीटर लम्में ते कन्नो-कन्नो 2 गडिडयें दे लंघने दी छमता आहले टाइप प्लेट गार्डर पुल दा उदघाटन कीता। इस मौके पत्रकारें कन्नै गल्ल करदे होई सुरिंदर चौधरी होरें आखेया.....

<><><><><><>

Army Logistics Milestone

भारतीय सेना नै कश्मीर घाटी च खास सैन्य रेल दे राएं टैंक ते तोप पजाइयै इक बड़्ही ते महत्वपूर्ण उपलब्धी हासिल कीती ऐ। आकाशवाणी जम्मू संवाददाता दी रिपोर्ट मूजब एह गैं बढधी गश्त रणनीतिक समर्थ ते मुख्य दे उत्तरी छोर तगर सेना दी पुज्ज गी होर बी पुख्ता करदी ऐ। भारतीय सेना नै 16 दिसम्बर 2025 गी घाटी च विशेष रेल दे राएं टैंक ते तोपां पजाइयै टकोहदी ते रणनीतिक तौर पर महत्वै आहली उपलब्धी हासिल कीती ऐ।

एह जानकारी रक्षा- जन-सम्पर्क अधिकारी नै सोशल मीडिया दी इक पोस्ट राएं सांझी कीती। एह सारियां चीजां जम्मू खिते थ्वां कश्मीर दे अनंतनाग तगर सफलतापूर्वक लैतियां गेइयां न।

<><><><><><>

DC Doda Tehsil Off

डोडा दे डिप्टी कमीशनर हरविंदर सिंह होरें Dali च तहसील दफ्तर दा नींह पत्थर रखेया। इस परियोजना दा मकसद प्रशासनिक ढांचे गी मजबूत करना ते जमीनी स्तह पर लोक सेवाएं दी पुज्ज गी बढाना ऐ। तहसील दफ्तर दी इमारत दा पी.डब्ल्यू.डी आसेया निर्माण कीता जा'रदा ऐ।

निर्माण कम्म मुकम्मल होई जाने पर प्रशासनिक सुविधा बेहतर ढंगे सिर उपलब्ध होग। कम्मकाज सूचारु बनोग ते सरकारी सेवाएं तगर सब्बनें दी पुज्ज सखल्ले होग।

<><><><><><>

Santosh Trophy Row

जम्मू-कश्मीर दे खेडु मंत्री सतीश शर्मा हुंदे आसेया भरोसा दोआए जाने दे बाद जम्मू-कश्मीर सरकारै- 79मीं संतोश ट्रॉफी राश्ट्रीय चैम्पियनशिप लेई जम्मू-कश्मीर दी फुटबॉल टीम चुनने दी प्रक्रिया दी जांच लेई इक कमेटी दा गठन कीता ऐ। एह कारवाई इस चैम्पियनशिप लेई जम्मू-कश्मीर दी टीम लेई खडारियें दी ताल करने च कथित तौरा पर गड़बड़ियें दे आरोपें दे चलदे कीती गई ऐ- जेहदे च ताल कमेटी पर जम्मू खित्ते दी अनदिक्खी करने दा आरोप लाया गया हा।

आकाशवाणी दे जम्मू संवाददाता नै जानकारी दिती ऐ जे युवा सेवाएं ते खेडुं सरबन्धी मैहकमें दियें कमीशनर सैक्रेटरी यशा मुदगल हुंदे आसेया जारी सरकारी हुकमै मुजब कमेटी गी एह जिम्मेवारी सौंपी गई ऐ जे ताल प्रक्रिया दी तफसीली जांच करियै- अस्सल हकीकत सामने आहन्नन ते एहदे बारे अपनियां सिफारशां 7एं दिने दे अंदर-अंदर जमा करान।

<><><><><><>

DC Jammu -ESZ

जम्मू दे डिप्टी कमीशनर डाक्टर राकेश मिन्हास होरें रामनगर वन्य जीव अभयरन जम्मू दे पर्यावरण स्थाबै संवेदनशील ज़ोन लेई ज़ोनल मास्टर पलान दा जायजा लैता। इस बारे जिला स्तह कमेटी दी उनें बैठक लाई। बैठक च इनें अभयारणें दे रक्ख-रखाव – चपासम दा तवाजम ते होर दुइयें चीजें पर चर्चा कीती।

बैठक च बोलदे होई डिप्टी कमीशनर होरें नियमें दी सख्ती नै पालमा यकीनी बनाने ते सरबन्धी दिशा-निर्देश दा अमलावरी पर जोर पाया। उनें मुतलका अफसरें गी हिदायत कीती जे ओह पाबंदी आहली गतिविधियें पर तक्क रक्खन- तां जे ऐसियां गतिविधियां पेश नेईं औन जेदे कन्नै इस इलाके पर कोई माझा असर पौंदा होए।

<><><><><><>

BISAG-N

डिजीटल ते टैक्नॉलोजी आधारित शिक्षा गी होर मता असरदार ते निगगर बनाने बक्खी इक महत्वपूर्ण गैं पुट्टदे होई समग्र शिक्षा जम्मू-कश्मीर नै भास्कराचार्य इंस्टीच्यूट फॉर स्पेस एप्लीकेशन एंड जियो-इन्फामैटिक्स BISAG-N कन्नै इक सैहमती पत्र पर दस्तख्त कीते न। भारत सरकार दे इलैक्ट्रानिक्स ते सूचना प्रौद्योगिकी मंत्रालय दा BISAG-N संस्थान अंतरिक्ष ते जियो इन्फामैटिक्स च अनुसंधान ते शोध ते इत सरबन्धी कम्प्यूटर एप्लीकेशन बी तयार करदा ऐ। स्कूली शिक्षा मैहकमे च सचिव राम निवास शर्मा ते समग्र शिक्षा जम्मू-कश्मीर दियें प्रोजैक्ट डरैक्टर होरें भवानी इकबाल हुंदी मजूदगी च दस्तख्त कीते गेदे इस समझौता पत्र दा मकसद DTH राएं शिक्षा प्रदान करने आहले टी.वी. चैनल JK-e पाठशाला पर GSAT-15 दी मदद कन्नै पढाई सरबन्धी सामग्री गी शामिल करना ऐ।

DC -Udhampur Atal Lab

उधमपुर दियें डिप्टी कमीशनर सलोनी राय होरें सरकारी हाई स्कूल Sira च अटल Tinkering Lab दा उदघाटन कीता। इसी जरनैली सिडकै ते ढांचागत विकास निगम लिमिटेड नै कारोबारी समाजी जिम्मेदारी तैहत कायम कीता ऐ। इस लैब दा मकसद विद्यार्थियें च नमियें काहुड़ें- रचनात्मकता ते वैज्ञानिक सोच गी बढ़ावा देना ऐ। इस लैब राएं बच्चें गी Robotics- Electronics- Coding बारे जानकार बनाया जाग।

लैब बच्चें गी समस्याएं दा हल कडुने –हुनर विकसित करने- उन्दे च जिज्ञासा पैदा करने ते शुरु थवां गै बच्चें च नमियें काहडुं बारे रुझान पैदा करने च मदद करोग।

<><><><><><>

Weather

जम्मू-कश्मीर च बुधवारे तापमान च मता उतार-चढ़ाव दिक्खेया गया। मौसम विभाग नै 20 दिसम्बर रातीं थवां दिसम्बर 21 चिरे दपैहरी तगर कश्मीर दियें उच्चियें धारें पर हल्की थवां दरमेयाने दर्जे दी बर्फबारी ते खित्ते दी केई सारी थाहरें पर हल्की बरखा पौने दी पेशगोई कीती गई ऐ। आकाशवाणी जम्मू संवादाता दी रिपोर्ट मुजब कश्मीर च सिफर थमां हेठ आह्ला तापमान बने दा ऐ। कश्मीर च बडुलै ते संजा धुंध बी पवा'रदी ऐ- जेदे करी लोकें गी आने-जाने पर परेशानी होआ'रदी ऐ। कश्मीर खित्ते च श्रीनगर शैहरै च घट्टो-घट्ट तापमान मनफी इक इशारिया 6 डिग्री सैलसियम दर्ज कीता गया ऐ। जम्मू खित्ते दे जम्मू च तापमान 9 डिग्री सैलसियम दर्ज कीता गया- जेड़ा जे मंगलवारें 8 इशारिया 4 डिग्री सैलसियस दर्ज कीता गया ऐ। बटोत च तापमान 7 इशारिया 6 डिग्री सैलसियम दर्ज कीता गया- जेड़ा इक दिन पैहले 7 इशारिया इक हा। कटरा च तापमान 11 इशारिया इक डिग्री सैलसियम दर्ज कीता गेय- जिसलै कि इक दिन पैहले एह तापमान 10 इशारिया 4 डिग्री हा। कठुआ च तापमान 8 इशारिया 2 डिग्री सैलसियम दर्ज कीता गया- जेड़ा जे पैहले 8 इशारिया 8 हा ते जम्मू हवाई अड्डे पर तापमान 9 इशारिया 4 डिग्री सैलसियस दर्ज कीता गया- जेड़ा पैहले 6 इशारिया 9 डिग्री सैलसियस दर्ज कीता गया हा।

<><><><><><>